

集部

欽定四庫全

書一竹門集卷八

集部

詳校官中書臣孫 溶 中書臣劉源溥覆勘

總校官知縣臣楊懋折 校對官助教臣胡予襄 胳 觮 監生臣馬步蟾

とこりらんとう 一敏弗 高級機能を までき West of the bound 竹湖集 邑西楊村其子勤以墓 丁游故聞居士之風舊 潘希曾 撰

溪世居邑之倍磊為聞家其先有曰垠者任松楊教諭 去又目之曰此忠直人也夫孝事其親仁睦其族而行 謹愿人也成饑應募輸栗有司崇以冠帶辭弗受又目 **垠傳錄徐州知州蘇三傳為啟聰甫樂善好施壽而且** 自少孑立無兄弟事父盡歡喪母哀而有禮處宗族無 康即居士父也居士質性剛毅不事表襮讀書了大義 問言賙鄰黨不斯當建居室以抑畏為扁眾目之曰此 **回此古朴人也里閉之求直者率恂恂片言解紛以** 

金牙四月月月

丘之裔雲仍多賢徳星恒麗混混東溪居士樂只源深 學殿殿總用居士隱德将籍以顯矣銘曰倍磊陳氏太 流長比德之美仁不必壽維名之垂才不必用維後之 賢行子三人曰惟正曰勤曰惟祭皆克冢勤尤性敏嗜 ここうこと ノニュー 卒正德二年三月二十七日享年五十有五配朱氏有 貽楊村之原穹碑在馬百世而下可誦以傳 義重於鄉之人 何如也世有所謂隱君子者其殆斯人 命弗沾一善莫名居士之於為人 竹澗集 、飲其殆斯人 妙

憲所為事狀請銘於碣錡當從余游而玉卿與余同年 婺源處士義翁潘先生既卒葬邑北之硖石源其配 進士以是稔聞先生之風按狀先生諱瑛字玉英義翁 其别號世居邑之桃溪其先閩之三山人唐末逢辰者 亂於此因家馬髙祖諱侑隱居行善當洪武初法禁 切獨以謹厚全門户曾祖諱虎克世其業祖諱勤成 八附馬正德辛未子錡舉進士奉先生從弟玉卿食 處士義翁潘先生墓碣銘 胡

**咸愛且敬强者愧屈罔肆弱者得籍賴自立一日見餓** 禄萼聯輝樓以怡兄弟學士篁墩程先生記其事平心 郎斬水縣知縣母齊氏贈孺人繼母胡氏封太孺人先 とこうこ 率物不吝施予好詢人所行失得勇於克已宗族鄉黨 年二十早世父諱烱資幼狐長克自立以子貴贈文林 **夫墮溝中衆委之去獨起而飲食之得不死人稱之曰** 縣有績獲贈封父母云先生天性孝友肯堂肯構當作 生兄弟四人行第二其李曰珏官至福建僉憲先以治 2.1. 竹淵集

弟尤勤故愈憲君輩先後登庸為時名臣錡方接武仕 居常器用悉書義字蓋取盤銘之意性敏善記憶凡學 義翁先生聞而笑曰斯名詎取當顧名思義可也自是 世孫崇陽尹濬之姊勤儉孝敬協徳於夫每誦雲峯言 成敗歷歷指掌喜獎進後輩族黨賴以成者甚聚教子 **進潘氏之所以益昌大者不偶然也孺人雲峯先生八** 庸語孟典謨訓誥皆能點誦雅好觀史客至與論古 日尚存願存一日好心願為一日好人旦必焚香

多定匹库全書

 飲定四車全書 潮天漢孫女四人銘曰賢哉義翁不愧其稱人則稱我 高安程鳳次適富春吳深深男五人天潤天活天清 成化丙午卒春秋四十有七孺人生正統己未後先生 為費要於其成而後已克婦克母先生生正統平酉以 其家人義形于內宜兄宜弟義者于爱子孫多賢維以 十六年卒春秋六十有二長子銓次鏡次即錡長女適 祝天務積陰徳以貽後嗣比先生殁矢心教子脱簪珥 以斯服膺質質斯世惟利是趙不能以隨由我坦途宜 竹澗集

追疼擴前嗚呼痛哉先生諱瑋字用夫姓潘氏世為金 希曾時居諫司會多故未果越十三年乃克造銘勒 翁以克永世 義方鄉問化之義、聞孔彰孰利不害孰義不利賢哉義 弘治乙母七月二十 司訓祭之官舍扶柩歸葬寓書京師俾希曾銘其墓 儒籍曾祖諱彦亨洪武中徴取人才祖諱文華贈監 漁隱先生潘公墓誌銘 日我伯父漁隐先生卒其子

泰甲戌愈事府君卒於官時長兄不在倒先生奉母攜 庶尹母吳氏封孺人贈宜人兄弟六人長諱璁官至無 钦定四車全書 弟妹歸喪萬里以禮襄事既免喪慨然歎曰老母在堂 **獵攻詩善屬文後從少司冠滁陽劉公游造詰益深景** 幼隨宦京邸佩服庭訓兄弟自相師友諸經子史多涉 察御史父諱洪官至廣西按察愈事贈奉政大夫修正 使贈中憲大夫希曾先府君也次諱彌次諱環先生自 為州節判次即先生次諱瑄次諱璋官至陝西按察副 竹澗集

節判府君選轉三州先府君亦已成進士官朝行矣天 吾兄既縻於官吾不能復離膝下求仕進也諸弟勉之 就海門之養優游五載尋卒先生天性醇樸篤於孝友 赴成化乙巳訪先府君於蜀縱覽山水而歸弘治庚申 父母在不忍一日去左右處兄弟怡怡無問言教子姪 一不以累其兄若弟如是者二十年母宜人以毒然 郡縣薦先生才德辭不就後屢以鄉飲請皆辭 意孝養偷婉承順務得親之歡心甘古饋祀

某日合室於朱氏安人墓在武義縣柘塢先些之側安 徳已酉正月十八日享年七十有七以卒之明年甚月 者碩為北山詩社士大夫求文者交於門因家雙溪之 隱逸人尤難之自棄舉子業古文益高詩極清婉書得 講授不倦與人交謙恭以和生長宦族而能甘淡薄樂 欽定四庫全書 隱漁隱所著有應酬稿湖蜀紀行録若干卷先生生宣 涯自號漁隱鄉人稱為漁隱先生而論君子者必曰漁 歐虞筆意妙自成家晚年故情觞詠與星齊錢先生諸 · 门湖集

尤注意教子家政内助居多成化癸卯五月三十日先 甚宜於家姑年髙得末疾安人晝夜扶持經歲無倦容 潘氏居發儒籍有聞詩書簪組是貽是承嗟我伯父其 生振振禄弗自取惟以成弟昆學不必用世其家以文 二人長即榮今陛龍溪教諭次植側室楊氏出女子 人邑名族南京刑部員外郎璲之女年二十 適永康王玻孫男四人燧焯煉燿孫女二人銘曰惟 -其生在宣徳庚戌十一月四日享年五十有四男子 歸先生

钦定四車全書 歲從鄉先生張文輝受尚書歷五寒暑學成會户當逐 孝友自靖儒素終身評高於鄉報在其子孫 世有聞人譜牒具存曾祖諱虎祖諱勤成父諱烱資贈 上書闕下不報避亂於歙從婺源之桃溪遂家馬厥後 文林郎斯水縣知縣母齊氏贈孺人繼母胡氏封太孺 公諱珏字玉汝姓潘氏其先閩之三山人唐末進辰者 公賦性醇篤自幼劬書十歳作詩有驚人語十有 福建按察司僉事進階中順大夫潘公墓誌銘 竹澗集

寧公以所學住質之篁墩恨相見之晚曰君名進士也 是年冬齊孺人卒戊子漸水卒漸水初得疾為公兄弟 肆力問學作風樹圖以寄哀學士皇墩程先生守制休 役而母病兄弟皆弱時署府事問經歷以御史左遷 析産以水田若干畝佐讀書既終喪公請於諸兄合爨 成化癸卯領郷薦連登進士乙巳奉檄督賦南畿明年 持詩文謁訴閻才之遣補邑庠生免其役天順甲申也 廣漸水令公至縣閱倉栗得六百斛駭曰令為民

栗八萬餘石久益賴之縣之南門渡恃舟以濟水涸易 害自是益廣储蓄更建倉縣治之北號聚民倉前後積 多種麥為來年計復勸分助脈以濟不足是歲饑不為 縣治中門兩旁建倉貯之號阜民倉越二年大旱盡發 次定四車全書 人 經久不病又以廟學湫隘闢而新之作與士類每為 倉儲以縣貧乏簡下户丁壯分隷上户俾得傭作自給 父母而水旱無備奈何爰下令取贖刑及訟紙咸入栗 以木梁歲費百金不免覆溺之患公合二年費為浮橋 竹澗集

畫來賜公為啟事辭謝於是王知公不可干矣久之王 請對卒如公按初荆府致幣於公公對使封貯官庫 遣人分捕并獲其黨十數輩既而司府将脱之公具獄 沮義官劉洪者實點盜其子恥與同惡洪殺之事洩亟 授成材甚衆邑故多盜公令鄉民聚居列柵啟閉盜乃 士民遮道共立去思碑李教諭復取别思詩梓傳之名 以禮報之嘗使人諷公欲婚其子公不可既又以所 罪廢公無染馬治斯凡十二載秩滿當去賦別思詩

白ジド

嚴州投牒告繳部機郡人士相率挽留而上官亦弗許 钦定四車全書 人 婦人裸而救鬪者耶詰之果服坐叔故殺罪而出其姪 初驗屍時不云何衣悟曰此必就寢所計殺之也豈有 殺其救妄縣官治姪死罪冤累年真辨公閱成案見其 尤慎勾稽未當徇權勢為取舍有蘭溪民誣姪夜殿叔 甘常集弘治戊午遷金華同知率如治斯而職專清戎 巡按陳君不悦曰紙屢經臺憲矣何是矛盾耶公争之 陳不能奪三載奏績便道省太孺人於家有歸志還次 5. 間集

|尋就職乙丑武宗即位公入質性福建愈憲奉勅督理 為幸云歸數月太孺人卒居喪執禮休沐十有五年足 歎曰戮人不當其罪而力不能救何以仕為乃遣人上 屯田明年正德改元公上任考簿書革好與豪猾侵対 京七骸骨時逆瑾擅權所知恐其得禍勸止之尋以鹽 法忤中贵人中贵人陰主去公戊辰吏部書公年老致 之徒悉寘於法屯政漸復一日監斬夜歸病不能寢食 仕瑾猶坐以他事罰米百五十石時公六十有三得

寅五月二十四日享年七十有七初號雪竹軒入官曰 澹翁晚更萬卷山人人多稱澹翁先生云所著有甘常 恩進陪中順大夫其年七月二十九日公卒生正統丙 族化鄉之意老而彌篤嘉靖改元今上皇帝以尊號覃 跡不出山惟赴鄉飲避鬼两至縣耳優游林泉文詠為 集三覲稿晚遊録澹翁稿雲萍唱和展顯集桃溪族譜 樂夜課諸孫誦習不倦訂輯譜牒作勸善碑於道側睦 凡若干卷公質直自信好義不好名久資常調世罕

次色口草 全書

竹澗集

也男子七人 謂之古君子矣配吳氏邑名家女封孺人生正統乙丑 樂清令有聲孫女八人曾孫男一人士想曾孫女二 有七葬邑之齊村程家坑公平生不內顏者以獳 河沐澍泳解津澎濟滋皆邑庠生潢連舉解元進士為 卒女子 具為人半生住官攜家者僅四載清苦儉素終其身 月十 人適同邑引禮舍人胡現孫男十人 八鐸鎧鎮欽鎰鉛録鎮邑庠生鎧鎰鉛録 日卒正德卒未二月二十二日享年六十 質 回

金り口

次足四重全書 人 懷令邑俘郡循良之才晚奉聖書愈被閩泉風裁獨持 · 店幸以尚富貴直道事人不早下位俗雖不合民則我 憲長與予同年故最為知公不敢以不敏解銘曰舉世 鐸等将以卒之明年某月日奉枢合葬吳孺人墓乃狀 權璫見厄載歌歸來幅巾深衣古貌古心為鄉人師噩 知當遺鎮泊從子錡受學錡後登進士而公從弟玉卿 **噩遺集不朽之器矧子若孫厥美世濟人之不遇一時** 公行禪鎮走千里來乞銘昔公倅金華希曾以諸生受

竹澗集

鴻臚介養府君之子婦父諱廷茂國子上舍母柴氏 悦其孝夫賴其賢及公舉進士官京師以站年高不忍 幼習姆教稍長通書數年十六歸公逮事姑王宜人姑 **族皆滁之望故上含擇壻必求如羑溪者孺人** ,諱祥字淑鳳姓劉氏順天府及菱溪石公之配 封孺人 八劉氏墓誌銘 公得乳多程坑之陽有封若斧公斯 人性聰慧

決 足四車全書 守身教子孫奉賓祭必盡禮御臧獲務使得所樂善賙 餘年迄送終馬以勤儉居富貴以恭讓處娣姒以讀書 離留侍於家公尋以監察御史進階孺人遂有封號已 貧終其身不哀凡宗黨語內則莫不稱孺人云孺人生 甚危既蘇謂公曰吾旦夕且不保宜及吾存為二子計 以不克隨官勸公置側室視其子不異已出晚得痰疾 而公按廣東王宜人壽終孺人黽勉大事竭其哀誠初 乃均分質産無毫髮私其所出又以母柴無後迎養十 竹澗集

**葛覃以著婦則載歌螽斯式彰母徳婉婉孺人衆美在** 善聞大夫士稱孺人之行如公言乃為之銘銘曰詩詠 成化丁亥四月五日以嘉靖癸未五月九日卒得年 躬以宜其家以代有終命服光華偕貴君子徳音不磨 嫁士族繼芳嫡長也孫男四人坦庠生餘幼孫女二 卜葬於城南龍蟠山白水村之陽将以其年之十二 有七男子二 日襄事公乃手狀淑行丐余銘余寓滁頗久雅與公 人繼方國子生繼先庠生女子 月

**飲定四車全書** 初為冢婦諸叔尚幼躬為縫浣飲膳比就外傅恒竭 諱寶觀金華名族有隱徳母王氏孺人自幼端淑工女 **贻範間里惟兹窀穸白水之陽勒辭堅珉干載其藏** 其賴之孺人修舉 紅為父鍾愛當指謂母曰是女他日必能昌大其家及 歸先生舅克厚翁一見異之曰是婦福器過人吾宗 (姓李氏金華處士王先生之配進士銓之母也父 孺人李氏行狀 婦職協相家政王氏之産日裕以隆 - 竹澗 集

|誠孝尤能追遠如此居常儉約至於禮賓邱族曾不少 |量諸子資性教以治生讀書各有專業弘治戊午銓舉 吾舅姑望吾兒久矣顧弗及見真告墓所哀若初喪 資給叔瑁早世以其子為後至肚猶為諱護不令知 他日有好子孫是其報也先生善教子孺人 失怙裝資必加厚馬姑邵當目之曰新婦好心地如此 已出瑁遺 江鄉武第三人明年成進士孺人每得報輔愀然 女與孺人女年相若且先後嫁孺人憫 意對之 白

女子ー 統丁卯九月十三日卒弘治庚申正月二十五日得年 新處妯娌得其歡御婢僕得其力撫諸姪若已出故卒 銓請其友人潘希曾請狀其事飲泣具道如此嗚呼婦 以卒年夏五月已亥葬城西畫堂先些之側壬戌之秋 決定四車全書 人 五十有四男子四人長鑰次錦次即銓次鐸為叔瑁後 如獨人可無稱述使就泯沒哉曩希曾在鄉校與獨 日闔族大小痛惜之不獨其所親之哀也孺人生正 人適同邑周某孫男二汝謙汝嘉孫女一皆幼 竹澗集 十四

君子采馬 卓耳目所觀記者其可使無聞哉肆并述之以強立言 典籍不各重購 戲者鈴輛不敢近回母将不悦也尤好為子聚書聞有 他出孺人倉平攬取奉籍一 白り口 人子銓相友善蓋當知孺人之為母矣銓少後敏士 /樂與游孺人教以尊師取友遠無益交儕輩有為游 令尹吕侯去思碑 日比鄰弗戒於火延藝且迫時銓適 切蓋藏棄不暇顧是皆卓

次足四車全書 ~ 士習胥若徒咸畏以服去之日衆弗忍舍既去益思之 起家進士在吾邑凡六載始至聲色不少動久之民安 文子蓋嘗識侯者而節之子友也其言曰侯建平人也 訟取力於隙而百廢與殖財於儉而上供備約俗於正 至於今不已其政則農桑學校是急抑强植弱平徭息 民陳良積革将刻石以擊其思乃介醫官陳即之马子 而人心之公也義烏縣令吕倭盛去邑且三載邑之耆 人有久而不能忘事有無所為而不能已此德澤之孚 . 竹澗 集

吾民矣吾徒野人思之不置則圖所以繁其思而傳於 美當時臺臣具薦於朝而侯不以喜暨被徵命顧眷眷 若弗欲棄去者蓋侯之績莫可殫述而侯之心誠不忍 而異端訟係教有式追呼不擾用是家給人足風俗淳 思思而不忘若是耶詩曰樂只君子民之父母謂能子 世蓋有疾視其上者蓋有攘臂以亡其上者况乎去而 聞而歎曰民不難感亦不易感也撫我則徳虐我則怨 後微吾子之文則亦無所繫而又不必信於後之人予

五岁日月

卷上

武去思史以為美談愚敢竊附其義為若等書匪惟繁 若等所為惓惓兹舉固可以驗人心之公假使上出於 於父母思慕之不忘矣然則侯之見思固可以觀德而 其民而民父母之矣又曰永言孝思孝思維則謂人子 **炎定四車全書** 必待今日矣夫又奚取哉昔者子産遺愛乳子稱之何 干譽下涉於獻諛則去未必思思未必久而兹舉也未 邑之思抑以示勘於将來 祭外舅太守梅澗先生文 竹澗集

寧歲月幾何計音路聞棺不知殯寬弗及塵扮膺痛心 命自天何尤於人矢心弗渝敢墜大恩我酒既酹我稅 畴昔垂髫侍側撫我海我期我成德既長筮仕驅馳靡 挂懷抱我先大夫公表兄弟不才受知館甥于貳言念 嗚呼坦夷豁達町畦不立思公之徳其古遺直作牧名 官不滿能惟後之貽年髙七十太平遺老歸全造物曷 州甘常勿拜思公之政其古遗废歸休二紀文酒自 自無地始自策勵将用報公过愚忤時速戾厥躬賦

優游壽域聿終天年某託交賢子獲拜北堂瞻望弗及 欽定四庫全書 人 惟靈徳娘孟母子成鉅儒操觚翰苑黼黻帝圖惟帝 **暑恩封是錫冠帔輝煌式章有徳潘輿就養菜綵承歡** 靈夙抱懿質長歸名門主饋貞吉竭誠藻 **薦陳辭敘哀神** 觞尚饗 祭盧母文 祭湛母太孺人文 **人** 人 相 集 ナセ **劍禮相夫** 

尚饗 揮守大邦潘垣攸賴一卧三冬竟以不起慶門未集吊 紀平生不渝明慎刑微累遷大夫惟賢惟能帝心簡在 惟公性敏而淳行恭以和問學風成登名甲科仕通 天弗吊某等鄉里後生通家末誼緘詞遠将 歴歇中外端委班行禄養既娱板與方導俄馬告終豈 君家道日熾偕老八旬為人中瑞厥有賢子克由義方 祭太守徐廷實文 一觞故

曷其有既方圖舉公之棺歸美東寬薄真致誠眉宇如 壽公易實時援筆作書有姪回果可以後予公之繼室 钦定四車全書 名門令德育孤承祀矢死靡慝惟兹得所亦可以死死 之遗憾若在其身後而縉紳之流涕則悼夫仁者之不 謂嗚呼生死旦夕彭殤何殊公於此理諒已不疑顧公 途俄改生禀之懿孰其界之勲業之就孰令已而豈山 而有知目終與矣某等鄉里朋舊義同兄弟死喪之懷 川清淑之氣偶鍾人世倏散而逝雖造化亦莫知其所 ·竹 : 潤 集

嗚呼修短隨化物理之常惟徳之懿可以流芳閨壺之 **某等宦遊是邦辱交令子一真之陳情弗能已尚饗** 英清才雅識慈範具存俄一疾以溘逝亦何畝於遐齡 其子有聞百世之下雖死猶生安人為生賢子甲科蜚 行無非無儀惟子之賢厥德可知昔者軻親侃母旨以 見嗚呼哀哉尚饗 祭憲副鶴軒成先生文 祭獡母文

中之瑞別先生儒業世於苦節自屬居鄉抗正直之風 寺早解金紫之榮久樂林泉之味諸子競與官學世濟 |嗚呼古今人世惟壽匪易然壽或不足於富貴而富貴 **设定四車全書** 見者而福壽所自也某等鄉里後生猥託姻契緬懷儀 孫曾繩繩引之弗替是以身康心寧逍遥九十歸然人 抑多福自求而本乎有徳之致先生登名甲科歷官臺 或不免於子孫之累宣造物無全功而人生難乎其值 在公者氷蘗之譽不詭不隨惟禮惟義此先生徳之可 竹澗集

覃之風子孫藝藝螽斯其同相厥夫子歷歇仕路三紀 廷來自南服夫人爰及榮膺語封入朝宫掖程冠霞帔 ゴジロ 型悼兹長逝将徴忱於薄萬庶來格之不昧尚饗 有徳之章胡弗遐壽 敷名罔復內顧夫子之賢惟邦之楨晚荷簡注掌憲帝 敏夫人 風媚姆教作嬪於俞尊章是孝惟勤惟儉葛 莫之将不勝哀則尚黎 祭俞夫人文 疾溘亡某等辱知夫子咸仰內

飛雲橋敢竭誠致祭用祈神休惟神祐國祐民相予成 神意實任事者之責也某奉天子明命來治河事方 功以報天子神其鑒之尚饗 疏支河以殺上流修長隄以保運道躬率官屬閱視至 矣避來河南支流多於專趨沛徐遂貼運河之患兹非 惟 こうこ 河導自積石會歸於海潤澤厚土通利舟楫功施博 縣祭后土文 縣飛雪橋祭大河文 竹澗集 Ŧ

去歲之秋天子以河患未弭漕渠被於特命某來治其 通年黄河横溢運道屢於天子持命某來治其事既議 **金定匹庫全書** 敢告於神惟神鑒之佑其成功尚饗 豐以迄於沛将以防橫溢而保運道也茲者卜吉興工 疏支河於河南以利導之爰築長促始於單之林臺歷 事謹當告神疏支河於河南以分上流築長段於沛豐 以防傍決方令春和厥工並與而裏河舊淤亦就挑 沛縣飛雲橋再祭大河文

成功惟神鑒之尚饗 祭告以彰報謝惟神鑒之永祐皇國尚餐 潛庶幾運道通而河患不復作也凡此實賴神休相其 とからいるとなる 支河於蘭陽滎澤以分其勢爰築長隄於單豐沛以障 往年河溢漕淤頗妨國計天子特命某總理其事既疏 其溢今厥功告成漕渠以寧實厚德黙相之力也敢申 單縣再祭后土文 縣狳家渡祭大河文 竹澗集 Ī

**濬甚勤河伯效順忽決若傾人力因之厥功告成某叨** 滥 **動穴四月全律 翊我皇猷尚饗** 流水真而運道無虞也敬陳牲醴用報神 自九河不分河患頗殷大明御宇地平天成雖間當決 亦治以寧遍年支流煙塞軍豐沛下決漕渠沙於糧 阻澀惟是孫家渡故道可尋上命巡按河南御史督 河事來視兹隅幸渡口與趙皮寒口二支並疏庶 山川壇祈雨文 社稷 同 城

皇罔有攸賴匪民之辜實吏於土者不德之致果恭鎮 靈祉謹祷 南邦良切競懼謹率羣屬惟神是籲神其早賜甘霖 次足の巨人島 甚百穀将死王其終惠我民大沛甘雨庶我百職咸荷 王開國元勲遺澤兹土廟食有年民實賴止今膜旱滋 民允濟謹禱 開平忠武王廟祈雨文 竹澗集 干

每少区屋 既病神豈罔知某恫瘝在身爾神是祈甘澤不靳三日 民之私有禱必應亦神之宜自夏迄今早點猖披民則 其誠某憂時之旱不能為時之霖賴爾靈山降雨出雲 古者國有凶荒則索鬼神蓋人力所不及舍神無以致 **期謹禱** 顧靈在在仰之別是章貢為桑梓墟有災颠禱固 靈山廟祈雨文 江東廟祈雨文 归州 表し

次足四事全等		-			庶幾相子濟此国民謹禱
竹澗集				·	此国民謹禱
<u></u>					

竹澗集卷七				金ラロルノニー
- 1				卷七
	•			
				_

欽定四庫全書 人こり百人百 陽文稱九六八皆偶數而八加多故六為老陰 九皆奇數而九加多故九為老陽七為少陽而卦之 竹澗集卷、 為少陰而卦之陰爻稱六或者不得其説以為聖 雜說譜例家記贊引題跋四十九首 雜説二十一首 竹澗集 明 潘希曾 撰

**今周易乃費直易程子因之作傳如乾坤卦爻解下附** 然之妙非人為也或曰何不直以一二三四為陰陽 含八少陽居三而含七太陰居四而含六此理數自 老少乎曰六七八九成數也 自兩儀生四象觀之太陽居一而含九少陰居二而 扶陽而抑陰殊不知天地生成之數始於一終於十 泉各爻解下附以小象錯亂殊甚田何易十二篇乃 以暴象文言猶不失四聖之序如各卦辭下附以彖

金分四月石量

天下事貴思不貴疑然亦有當疑者乾之九四或雖在 言傳七說卦傳八序卦傳九雜卦傳十是為古易朱 子所為作本義者也世儒復析本義以附程傳何也 孔氏之舊顏師古謂上下經及十異吕伯恭定為經 一卷傳十卷其序上經一下經二上彖傳一下彖傳 一上象傳三下象傳四上繫辭傳五下繫辭傳六文

大きり日本

龍陽物也坤之上六不言陰與陽戰而曰龍戰于野聖

竹澗集

淵无谷子曰或之者疑之也故无谷

**录傳誦尊而光果而不可踰程子謂謙則尊光自處雖** 金灰巴尼人 訟凶德也不慎於始不得已而訟貴能止也不能止而 甲而不可瑜朱子謂謹則居尊者德愈光居甲者 事謀始絕訟之道也 求終馬雖勝猶凶也子曰天與水違行訟君子以作 稱龍謬矣 亦其能過據小象甲以自妆及繋辭謙尊而光觀之 扶陽抑陰之意也王介甫謂陰盛於陽故與陽俱

重坤純陰十月之卦也十月非無陽也陽甚微也故程 六十四卦惟謙内三爻俱吉外三爻俱利可以崇德可 漸長積三十日而成一陽也部子詩云冬至子之半 月實漸盡於十月之小雪雖復於十一月已自小雪 子曰十月謂之陽月恐疑其無陽也蓋陽雖剥於九 天心無改移一陽初動處萬物未生時陽非冬至頃 程說得夫子本意 以濟事可以存位故君子漢之為貴 竹澗集

次足四草 全書

| 家以養正培其本然之善也童牛之特禁其惡子未發 陽來復於五陰之下曰復往而為臨為泰為大壯為 夬以五陽夬一陰夬盡為乾則陽極而陰生矣一陰 生也冬至而一陽之生方成也 則姤矣一歲十二月往米於乾坤十二爻矣 上遇五陽曰姤往而為遯為否為觀為剥以五陰剥 也紫與重教所先也 陽剥盡為坤則陰極而陽生矣陽生則復矣陰生

節之九五得中故曰甘節甘者味之中也上六過極故 次足四年全等 一 明出地上晉君子以自昭明徳大學曰自明曰明明徳 明夷之為卦也內離外坤離明也坤順也晦也文王內 開文明之運者天道也 蓋本諸此 曰苦節苦者炎上之味也 免於難也然而文王演易箕子紋疇當明夷之時而 文明而外条順箕子晦其明徳不違乎其時也是 竹澗集 四

仲春鷹化為鳩天地之仁心見矣其秋也鳩化為鷹 鱼是巴尼人 古書疑字不宜輕改曲禮鸚鵡能言不離飛鳥猩猩能 回獸也 執維庶人執獨工商執難則羔亦可曰禽也考工 大宗伯以禽作六擊孤執皮帛 言不離禽獸吳氏纂言改禽作走殊非蓋禽獸乃雅 走之通稱如易田有禽書外作禽荒皆通稱也周禮 大下之大獸五脂者膏者贏者羽者鱗者則羽亦 卿執羔大夫執鴈士 包

欠己の日心時 見父之執不謂之進不敢進不謂之退不敢退不問不 有無具禮而善處者以義起也将軍文子之喪既除喪 禮義也 敢對無與於事親也而非爱敬其親者不能也故弟 禮其不恤者鮮矣 相周黨相救也而哀死之情易相感也故鄰里存此 子知此禮其不孝者鮮矣鄰有喪春不相非厚於州 地之義氣形矣先王使鳥獸魚鼈咸若仁也田猟以 竹澗集

成人有其兄死而不為哀者聞子皐将為成牢遂為哀 正禮為禮乎 已抑交游壮麻經非禮也子游曰禮也者豈以将以 免馬司鬼惠子廢適立庶其喪也子游壮麻經馬是 非足恭也公儀仲子舍適孫而立庶子其喪也檀弓 有有其禮而弗拘者可與權也童子汪踦能執干戈 而后越人來吊主人深衣練冠待于廟垂涕洟是已 以衛社稷魯人欲勿殤是已有過為之禮以譏人者

鱼牙巴尼石管

久元日日本は 月令之書可以考先王順時之政而不可泥也如春行 行而施政令離聖人之道又謂風雨變異特瞽史之 等事亦猶洪範之敘各徵也柳子厚謂其尚以配五 慶賜秋始行戮之類道其常耳非謂事幾當速者亦 易先王以至日閉關也如孟春行夏令則雨水不時 必俟時也如仲冬齋戒掩身以待陰陽之所定即周 者其動人不難也 楊綰拜相而郭子儀減聲樂黎幹省關從夫有諸已 竹淵集

詩 漢高起於楚沛我朝與於金陵非自南而北耶金元之 多月四月 月十二 張九龄范仲淹歐防修軍非南人耶王子明據其本 易豶豕之牙是已 **豕牡曰猴春秋傳盡歸吾艾猴是以猴去其勢曰豶** 要之未純在擇馬爾矣 語何其泥哉是書雖出於吕不韋乃假手諸儒所為 承運 非自北而南耶王林李林甫軍非北人耶陸勢 發五紀朱傳云紀北承也據爾雅北紀恐壮字誤 卷入

三世以至於無窮圖後略疏名字事蹟為傳各以其世 姓氏之所從來遠矣時代變遷其上世多不可知吾所 髙祖下止玄孫為五世玄孫再提為九世又再提為十 火との巨人 可知之世吾尊以為始祖可也譜圖界上下旁行上自 朝事言且知立賢無方所言未為害理邵堯夫天津 聞賜之說蓋前知一時氣數特因物而發耳愚者遂 執以為通論所謂癡人前不可說夢也 譜例 竹澗集

掌於宗子支子各藏其副每歲必會族以讀之生子長 者兄弟宗之繼祖者同堂兄弟宗之繼曾祖者再從兄 譜凡嫡長子繼始祖者族人世宗之所謂大宗也繼禰 猴亦小宗意也而皆以吾譜冠馬則大宗可互見也譜 續圖譜者各自其所親之為玄孫者提馬以下擊其子 世不遷者也小宗五世則遷者也世遠族衆其勢必分 弟宗之繼髙祖者三從兄弟宗之所謂小宗也大宗百 列馬異姓冒嗣者不得書同姓而失其宗派者不得通 金罗巴西人 次とり年入ち ! 陕西憲副府君暨四伯父諱瑄者将赴鄉舉故書云爾 她姪也第四書刀與長伯父無為州卸判者是年顯 在景泰辛未也三書皆得之表叔吳康十丈吳則我祖 |惟第三書不具歲月考之行狀御賜五經四書五倫書 其末曰清慎勤曰謙恭小心雖為節判府君一時丁寧 孫增書之是為譜之例云 右書四通我顯祖廣西僉憲府君手蹟也歲月具書中 記先祖遺翰二首 竹澗集

我顯祖廣西儉憲府君沒世既久其手澤幸存者鮮矣 |使至今日九十餘年希曾生而早狐得此於淪落斷 靡也思吾祖而不可得見得見其心於片言隻字間則 右奏疏泊内臺諸公氏名蓋景泰初為御史時所書希 之餘不啻殷舜周門而其為吾家舊物尤不易得謹識 所以感治謀之遠而念繩武之大者不在兹乎顏自宣 之言實吾家世守以為家法者也嗚呼字心畫也言心 以遺後人

金グロルノア

多其中如釣州馬公後至師宰顧考憲副府君泊希曾 然知名者二十人矧吾祖手列一時官聯氏名名公頗 曾近檢諸故笥裝次為卷傳曰先祖有善而弗知不 柳子厚記其先友於墓碑之陰後之君子猶得考其卓 改定四車全書 人 又先後與之同朝世講之誼尤足徵也為後人者尚其 此而珍藏之 知而弗傳不仁也兹疏係立朝大節非細善比也昔 記先君奏疏後 竹澗集

富從兄龍溪教諭祭方圖入梓希曾獨念此盈尺之楮 遺事備史氏采擇距今已三十年而先伯父捐館十有 卒於官時先伯父尚康健痛先君功業未竟手録遺文 十二年奏准至今為著令弘治二年先君以陝西憲副 盛節皆可見矣疏已載先,君集中先伯父詩文稿亦 右先君奏疏先伯父漁隱先生手録者也疏在成化二 先伯父之友爱與我憲宗皇帝用人從善式問封墓之 四年矣幸此疏僅存也嗚呼觀此一 疏而先君之建明

一欽定四車全書 一人 憲副提學孝宗皇帝復賜之勃視此勃詞一 學於蜀者七載日夕兢惕恪遵聖諭一時士風不變人 職街有異耳故事臣下領勅事竣則進繳惟提學勅例 得不繳今二勅皆實藏臣家龍章奎翰增輝永世臣希 材奮與我國家菁我樂育之化大行弘治改元陟陜西 右先大夫手録憲宗皇帝所賜勅也先大夫以僉憲提 具見衆美謹識其後俾潘氏子若称永傳馬 **恭記御賜先臣勅後** 5.竹川集 同惟地方

讀别本可也乃若手蹟遺訓不可以他求者也苟諉於 我罔極之思禮稱父沒而不能讀父之書手澤存馬爾 曾逃事孝宗皇帝追惟两廟上賓先臣溘逝伏覩綸音 弗忍讀馬而蔑棄之非所以學箕裘善繼述是惡可不 夫書謂典籍蓋可以他求者也以父常讀馬而弗忍讀 右先君遺墨凡十帖略依歲月先後為卷時一展觀永 不勝君父問極之感謹拜手稽首而記其後 記先君遺翰後

皆富貴不能以常貴而清者之後亦不能守其業夷考 其時尚在元初去三潘之盛未甚久也而物換星移已 虚集有小異者有逸不載者蓋集當更刪潤而此則 讀也諸帖或拾之故篋或得之故所往還家視先君静 とこうら 右時舉潘公譜序特詳三潘之所自來而謂富不能以 初未定之稿與一 記舊譜序後 トルフ 時應酬之筆耳并識卷末以告我後 竹澗集

金贞四犀全律 知潘氏之故而又知所警省云 於山陰家君翰又得宋勲臣潘公美父子行實小像於 **寝微而世次不辨也近時上虞潘孔修憲副雖不敢祖** 有不勝其慨者後百年為我朝兵火薦更無怪其子 城士人乃知子孫不能世守顧不若異姓之好事 慨也予録時舉公序而復書此於後俾後之人庶幾 林営輯清潘遺事一 記高侍講送行序後 一編自言得黙成月林二公御

|親全文而其事之始末不可知已故家遺文雖片指隻 士府君名問朝堂奉使江右之事獨賴此序可見惜弗 此五賢遺像一卷付兒紹收各像跋語乃西涯李文正 字子孫可輕視哉 史府君曾往遊馬此其歸而送行之作也若我髙祖徵 右序得諸故箧殘缺磨滅僅存首尾九十七字蓋宣徳 我祖食憲府君掌教於淮安府之鹽城我曾祖贈御 書五賢遺像卷末寄兒紹

とこうき

竹澗祭

多反四庫全書 倘由是而有進則五賢地位亦吾分內彼丈夫也吾獨 **效可以想見其為人矣後生潦草宜常捧觀以自警發** 矣而莊重雅飭一畫不茍如此觀者不待望履舄聆於 焯而履危歷坎非利害可奪完璧而歸枕肱自樂兹 浩乎其學之博確乎其志之卓故偶聖逢辰則猷為昭 非夫也耶紹其勉之 公手跡公文章徳業推重一世作此字時行年将六十 宗伯童公贊名軒號枕

又·10回人由 徳之符布素怕怕漁熊為徒讀書循理 木氏之債殖孜孜濟物孫权敖之陰德親賢而賢者與 生彼勝國歸我皇極百五十年遺像可則氣清形癯 所鍾視其獠子 所以為當世名臣為後學先覺也耶 長而癯貌古而澤鄉稱善士年適大耋僅僅治生端 吳處士存恭像贊 王處士遺像贊 行澗集 鄉善士餘慶 兰 隠

學未當一日相舍比長筮仕離合不常往往託之聲 有周孔遗風而宗潘仁賢吾兄此行竭誠所事以無負 過 予兄柏軒先生由泰州司訓擢魯府滋陽王傅将之任 之混世而世俗取則吁嗟若人三代遺直 多穴四月月月 以寫其悲歡思慕之懷則友于之情不能自己者耳魯 載而兄因便過除至是蓋三度矣念予與兄自幼同 /除話别於是兄在泰凡九載希曾以太僕寓除亦 滁陽話别詩引 E

識歲月他日同老林下歌此於山雲水月之間而相與 文三日巨人生 一 朝廷簡任之意亦云慰矣第陟岡興懷弗勝繾綣爰賦 申秋雲南憲副朱子文先生來京以永州十三志見示 間項因良工繪圖攜以自隨每一披玩輒注目久之甲 賡和馬又将感慨今昔益敦曛箎之好云 金華號山水佳地而赤松特勝宦遊以來常往來夢寐 律為吾兄贈而凡平日悲歡思慕之作亦附書之以 赤松圖詩引 竹澗泉 古

**圖贈而題其後公其念與我同者不獨山水也尚為茲** 圖文之 文不能如公之志永以志赤松則欠事也公且行爰以 公之水予之金華也山水之勝殆不相上下而予之 舅也先生劬書攻文有經世志予賴其麗澤良深 年來不意前漢者偶試而才大者難為用茲授羅 與葉師道先生自少同事筆硯而先生先大夫子之 贈葉先生詩引

角发巨屋

送之作者殊未艾也希曾拜觀諸作敢級 以去公左右為恨而公尋被召為大司徒退食之餘又 留務幸獲奉顏色尿謦欬以慰平生無何改官北寺方 往歲癸未希曾為南京太常適鳳山秦公以大司馬總 公為天下慶而私以自幸云 獲請益也惟公文章德業被今而垂後見乎羣公贈 以非其好也亦安於命而已矣為賦一律識別 贈鳳山秦公詩引 竹棚集

馬有祭告之解馬有書若記馬勅冠諸首餘篇依月日 敬定四庫全書 ■ 序次於是始末可覩矣是後也弭河患通國賦祗若皇 戊子之秋子奉命治河明年冬厥功告成都憲梅國劉 而不敢以智鑿云 **伴書史録其綱要若干篇有勅音馬有奏議馬有文移** 公督漕過濟詢予所從事曰盍録諸庶将來足徵乎乃 |他意不敢不竭其愚若夫荒度利導壹是皆本其故 治河録引

謂難乎余當數古今人未必不相及而事之難易有弗 謂夫死從子則稱未亡人久矣而卒成子之大賢可不 視孟母未知孰難迺若方盛年時贊夫子以廣圖厥肩 容縣論者及讀章賢母傅不能不重感馬母之以賢稱 中道而喪所天又能忍死以成其側室之子皆情之不 彰馬者余讀列女傳觀盖母之所為教亦誠難已其自 自古母氏稱賢率於其子之成立如所謂孟母蓋尤彰 ていうこ 題章賢母傳後 \---竹澗縣

多定四库全章 章氏孝子順孫玉立蘭茁而先世之業日昌以大微母 易克也禮稱婦順備而後內和理內和理而後家可長 母讀杜集至此未當不三復想見其人 也哉假諸孟母之所處其難易又不同矣 ,說詩者謂后如之德不妬忌故有樛木螽斯之福 ·賢而至是乎推母之心雖為事君者法可也獨內? 八以落月照屋梁猶疑見顏色為李太白傳神詩名 題李太白畫像 日過中丞何

近世為貴游摹寫易去者乃元與國初所臨其逼真者 Resident Links 其最久最弊不堪顧惜耳子惟物恃形以存者雖銅狄 本來四像於木柱中以二謝授文玉以王李授宇亦以 文玉雅與其主僧善項偕予訪之主僧具道兹事爰出 宋時所臨寺僧秘之世復罕見然皆非其舊也董内翰 也會藉東山寺舊藏此像暨王逸少謝安石靈運三像 神瀟洒惜綃地剥落題識無存君曰此太白本來面目 君汝弘見壁間畫像若道家者流諦視之衣兒偉異風 竹澗集 t

金灰四牌全書 之觀者尚有以驗杜詩之善於傳神云 會稽豈當時慕而貌之耶今脱木柱之藏裝飾 慕於人人必有不恃形而存者矣抑東山王謝桑梓 **覩而轉相臨摹者又将蔓延於無窮則四先生所為景** 院署之有題名俾可考也可考則其人其政其名位所 有遺像宜也不知何緣有太白像史稱白天寶初南 不能久而不壞區區毫素乃垂若干年之久而可 跋林都憲察院題名記

垂竹帛不特斯名之題而已也往時公僉浙憲某在 重然猶手之不置抑以自考也此古人不自滿假之心 中當以御史按廣西去之二十載遂以右都御史總督 林公家藏此刻乃廣西察院所為題名者也公在弘治 人で日日という一 其右者蓋公之盛固不待是以傳而是刻将籍公以為 到勲業所就有不容以掩者而勸戒彰矣大中及長樂 而公之所以過人者數宜其位益崇功益懋勒門葬而 两廣回視列名諸君子上下百餘年間敷名赫然無出 竹澗集

生中受知最久敢附其説以致景仰之私 金月四月月月 矣孔子當謂有文事必有武備又謂不出樽俎而折 凱後公界遷今官奉勃巡撫兩廣遂總軍戎之務馬蓋 干里公得之春视彼佔畢恆儒平居誦說唐虞倉卒 公胷中甲兵素所蓄積當時歌頌之者已卜其有今日 人都憲長樂林公弘治中以御史按廣西決策運籌削 諸蠻一 **跋林都憲平蠻奏凱卷** 一時能言之士相與歌誦之題其卷曰平蠻奏

書彈章泊聖古移文凡二通希曾近得之從子燧拜觀 祖哀詞有云文升登景泰辛未第亦拜是官得從先生 之餘敬裝為軸歸之俾謹藏馬昔冢宰釣陽馬公序我 我顯祖廣西儉憲府君景泰初為山東道監察御史手 之後者數年先生正色立朝風采凛然凡院中陳大事 不能不為之太息 一時退敵者豈亦吾夫子之教使之然耶三復兹卷 跋先世遺翰三首 竹間集

欽定匹庫全書 燧於我祖為曾孫實吾門繼曾之宗傳曰公侯之子孫 劾大奸奏疏彈文多經先生之筆觀此則當時疏草宜 求仕進故形之聲詩率皆沖淡肅散而無枯稿迫促纖 我伯父漁隱先生早承家學攻古文歌詩雅意泉石不 必復其始燧尚懋之 不止是惜散逸無存俾我後之人情於世德可勝痛哉 諭榮悉攜之任而其孫燧復輯逸稿四篇如右蓋手蹟 靡豪誇之病所著有應酬稿湖蜀紀行録其子龍溪教

其人必不孝矧在其子孫耶三復之餘孜淚識此以授 而不墮淚者其人必不忠讀令伯陳情表而不墮淚者 親遠矣罔極之恨曷有窮已昔人有言讀孔明出師表 右三書我顯考陝西憲副府君手蹟也一上我祖姚諸 とこりるという 以泄其悲且以嘉燧之念爾祖云 也希曾伏讀仰思恍乎耳誨言而目儀範也敬識數語 可覩從兄之子燧乃能什襲久藏間以視希曾嗚呼吾 與我從兄一上我漁隱伯父當時孝友之誠宛然 竹澗集 亍

燧燧於此将感發馬不亦吾門賢孫子哉 踈 鱼穴四周在重 也而必祖其所知必別其始居何也親吾親也親親 因高祖始居雙溪定為雙溪潘氏宗譜夫萬派同 世祖者為始祖矣猶恐其無以自別而久而復混也 分殊之古也 之為譜不能上遡三潘而祖其所當祖斷自所 可推也故曰人各親其親然後不獨親其親此 跋宗譜記後 理 知 而 源 则

**裝書附其後又附玄裝所譯心經皆沙門懷仁集晉王** 右定武蘭亭真本自唐太宗得右軍手跡命歐陽詢臨 右唐太宗作聖教序髙宗作三藏聖記各有答沙門玄 五十年矣此帖予家故藏相傳已百年字體邁勁不失 右軍書咸亨三年刻石今在西安府學咸亨距今八 右軍筆意可寶也 跋定武蘭亭帖後 跋聖教序後 **竹阁** 集 Ŧ 百

定武本多鷹矣我朝宣德中東陽何公士英為兩淮鹽 摹勒石久之流落定武復失於宋之南渡翻刻紛紛而 異他本則不挨辨證而可知為真定武也 劉損仰字如針眼之類悉符諸家辨證而字畫之佳り 東陽從何氏榻數本貽子千年名刻一旦快覩其五字 運使沒井得之世復鮮知正德戊寅淮陰胡汝愚來尹 右宋僧孟英篆千字文乾德三年刻石其十八體書刻 **跋孟英三碑後** 

**敏定四庫全書** 

家寶也 碑皆在陕西此乃弘治初先君以憲副督學時所 工則當時陳希夷諸人歌詩泊郭忠恕書非溢美也 1 1.1.1 其휧偏旁字源又刻於咸平二年而書法 竹澗集

<del> </del>			 			
竹澗集卷八						多交匹庫全書
				1		
						*
						卷八
						,
	!	<u> </u>	 			<u></u>